



&gt; BiH

## Maloljetnička delinkvencija u BiH u porastu

Objavljeno: 26.11.2018 11:40  
Posljednja izmjena: 26.11.2018 21:01



Institucija ombudsmena u BiH je na osnovu Analize stanja u ustanovama u kojima su smješteni maloljetnici u sukobu sa zakonom u našoj zemlji, ustanovila da su osnovni problemi nedostatak stručnih kadrova i smještajnih kapaciteta. S tim u vezi rezultati Analize koja je provedena u proteklom periodu su upućeni nadležnima, zajedno sa preporukama koje je potrebno realizirati što prije, pogotovo ako se u obzir uzme podatak da je maloljetnička delinkvencija u porastu.

NAJČITANIJE

NAJNOVIJE

---

**VIDEO: I zvanično novi članovi Predsjedništva BiH**


---

**VIDEO: Sanacija tunela i mostova, mještani negoduju**


---

**Osnivač pokreta Mirsad Hadžikadić**


---

**VIDEO: Dan državnosti BiH u Mrkonjić-Gradu i Jajcu**


---

**VIDEO: Intervju sa Šefikom Džaferovićem i Željkom Komšićem**


---

**VIDEO: Niko od nadležnih ih nije primio**


---

**VIDEO: U Predsjedništvu BiH postavio zastavu RS-a**


---



0:00 / 1:38

videoprilog Dine Durmića (Dnevnik 1)

Prema sačinjenoj Analizi u ustanovama u koje su smješteni maloljetnici u sukobu sa zakonom u Sarajevu, Istočnom Sarajevu, Banja Luci i Tuzli maloljetnička delinkvencija ima tendenciju rasta. No, određene probleme stvaraju i različiti statistički podaci. Institucija ombudsmena iz tih razloga insistira na njihovom objedinjavanju.

„Jedne podatke dobijete od centara za socijalni rad, a sasvim drugačiji su podaci koje dobijate od sudova. Na trećoj strani imate i policiju koja je najčešća prva karika u odnosima djece koja su u sukobu sa zakonom“, kaže Ljubinko Mitrović, ombudsman za ljudska prava u BiH.

Uz sve to, stanje u ustanovama u koje dolaze maloljetni prijestupnici u BiH nije na zadovoljavajućem nivou. Najveći problem je nedostatak finansijskih sredstava za ove namjene. Određene preporuke su iz tog razloga upućene nadležnim ministarstvima i vladama entiteta.

„Upravo ove preporuke ombudsmena daju jednu pokretačku snagu da se neke stvari kada su u pitanju ustanove i institucije koje se bave izvršenjem sankcija prema maloljetnicima promijene u nekom pozitivnom smjeru“, ističe Denis Huskić, direktor JU Odgojni centar TK-a.

Jedna od preporuka upućena nadležnim u RS-u je i osnivanje specijalizirane ustanove za tretman maloljetnih prijestupnika.

„Predložili smo Ministarstvu pravde RS-a da ispoštuje zakon o zaštiti i postupanju djece u skukobu sa zakonom RS i osnuje vaspitni centar, jer ovakav kakav je u Tuzli, u RS-u nemamo“, dodaje Mitrović.

Iako su određene preporuke upućene i Federalnom ministarstvu pravde, podrška je izostala, a na dodatnom upošljavanju stručnih kadrova, boljoj opremljenosti i povećanju smještajnih kapaciteta za maloljetne prijestupnike treba raditi što prije.

federalna.ba

BiH maloljetnickadelinkvencija